

GEJ KENNT ÖM ALL!

Familiennames gäv et so van alle Zott,
wöcke sind lang — on wöcke kott
Wej höbben van ons Ölders sej geärw,
sej hangen meis ons an, böss dat mej stärw. —

Wöcken — dij klengen all's en betjen klöchteg
on sind verwandt mät'n Deng, wat well ös wechteg,
mär dat mej doch nit nümb so gern. —

Dann ös et meis nit alltufern,
dat sonnen Namensdräger döks gehänstelt word,
besonders Blagen dunt dat gern in eenen fott:

„Kuhschwanz! — Kuhschwanz! — hängt hinten dran,
wie man bloß Kuhschwanz heißen kann?“

Nau wor't so witt, dat Kuhschwanz trauen woll,
dat denn Pastor öm van de Kantsel fallen looten soll.
On äs heij mät sin Brutt wor bej'm Pastor,
dor tuschelt heij öm so in't Ohr:

„Een Bitt höbb ek noch, Herr Pastor, wenn't geht,
dat geij min Namen Sonntag van de Kantsel deet
nit gar so dütlech spräken üt, —
ek meen mär — wägen't Prooten van de Lüt!
Geij könnt dormät jo well so'n betjen hampeln,
öm so vermimpeln on vermampeln!“

Denn Pastor wor en Schalk — heij sprook gern Platt:
„Jo, jo, Herr Kuhschwanz — nit mehr äs dat,
dat sall ek maaken well, dat ös en lechte Saak!“

On sonndags nor de Präk häd heij dat so gemack:
„Es wollen in den Stand der heil'gen Ehe treten —
wir alle wollen für sie beten: —

Johannes, Peter — — so vermimpelt on vermampelt —
geij kennt öm all — wat so de Kuj dor achter ronderbampelt!“

Heinrich Nesbach